



ЛЕНИНЭНЬ КИЯВА

ВЛКСМ-нь Мордовской обкомонть ды Саранск ошонь комитетэнь газетаст

1941 ие
МАРТОНЬ
23-це чи
34 (1330) №

ЛИСИ: 11-це ие,
12 № ковс

Большевистской энергия марто ютавтсынек эрямос партконференциянь решениятненъ

Неень шкастонть минек республика-сонть ютыть комсомольской активень собрания. Комсомольской активесь неть собраниятнесэ толкови XVIII це Всесоюзной партийной конференциянь итогтненъ ды конференциянь решениятненъ топавтомасост комсомольской организациятненъ задачаст. Собраниятне ютыть пек покш подъем марто, эрва косо комсомольской активистне невить эсь бажамост ды анокчист сиземань атак сода бороцямс конференциянь решениятненъ топавтомасост кис.

Саранск ошонь комсомольской организациянь активень собраниясонть, ко-на ульнесь неть читнестэ, тешкстазель, што ошонь ламо комсомольской организацият еще пек састо ды лавшосто бороцить сеть задачатненъ топавтомасост кис, конань минек икелев аравтынзе партконференциясь. Истя, примеркс, Пенькокомбинатонь, Маслозаводонь, Консервной комбинатонь, Саранск станциянь комсомольской организациятне аволь серьезна, безразлична относятся производственной роботань востропнэ-ненъ. Комсомолецтнэ тесэ аштить пред-приятисо ды чугунокань ки лангсо алжуксонь порядоконть, ваньксчинть ды культуранть аравтомань востропнэ-де ве ёно.

Истя тевесэ ашти, нама, аволь ан-сяк Саранск ошонь кой-кона комсо-мольской организациятнесэ, но и еще зярва таркава. Эряви нейке жо тенень путомс пе. Комсомолонть основной за-дачазо ней ашти сеньсэ, штобу нол-дамс минек организациятненъ весе ро-ботаст промышленностень ды тран-спортонть икелепелев кепедеманть кис бороцямс, эрва чистэ заниматься про-изводствань конкретной тевтнесэ.

Минь должны теиис истя, штобу производственной ды транспортной пер-вичной комсомольской организациятне эсь вниманияст величавовлизы предпри-ятиянь, станциянь роботанзо ёнов, решительно добиваться сень, штобу уле-вель топавтозъ планосъ, кемекстазь трудовой дисциплинась, алкалгавтозъ продукциянь себестоимостезо ды кепе-дезь сонзэ качествазо.

Партиясь веши, штобу минек пред-приятитнесэ улевель вадрясто аравтозъ технологической процессэсь, улевель аравтозъ контроль технологической ин-струкциятненъ топавтомасот мельга. Комсомолецтнэненъ эряви те задачанть топавтомасот неведем пример весеме-ненъ. Комсомолецэсь должен тенъ кис улемс технически образованной ло-манькс, парсте содамс производстванть, кепедемс эсензэ знаниянзо, квалифи-кациянзо.

Комсомольской организациятне обя-зант эрва чистэ лездеамс партийной организациятненень ды хозяйственной руководителтненень производственной задачатненъ решамосост. Эряви, штобу комсомолецтнэ занявольть производст-васо авангардной роль, нечевельть трудонь производительностень сэрей образецт, улевельть сехте дисциплини-рованной ды культурной работникекс.

Келейстэ аравтсынек социалистичес-кой соревнованианть ды карматано большевистской энергия марто боро-цямс партконференциянь решениятненъ топавтомасост кис.



Мордовской цединститутонь студентэсь-отличникесь Д. П. Ермольев. Ер-мольев ялгась активной общественник, вети оборонно-физкультурной работа студентнэнь ютксо.

Фотосъ Б. Козловонь.

Советской воздухоплавательтненъ Неверновонь ды Гайгеровонь выдающейся ливтямост

Советской воздухоплавательтне Не-вернов ды Гайгеров ялгатне мартонь 13—16-це читнестэ тейсть васолонь таркас, кувака шкань перть выдаю-щейся ливтямо 900 кубометрань объ-емсо «СССР ВР-73» аэростатсо.

Стартонь чистэнтэ, мартонь 13-це чи-стэ, Московонть лангс сырғась циклон, но те эзинзе лоткавто отважной аэро-навтнэнь. 15 чассто 44 минутасто воз-душной шаросъ кепедесъ моданть вельксэс ды ёматотсь юг ёнов. Сон ливтясь виев циклонсонть.

Мартонь 21-це чиять прыдовомсто

аэронавтнэ пачтысть, што сынъ валгсть Новосибирской областень, Колыванской райононь, Шейкина велень районсонть.

Невернов ды Гайгеров ялгатне лив-тямосонть ульнестэ 69 час 30 минута ды ливтясь виде линияванть малав 2.800 километра. Те ливтямосонть сынъ пек вельксэс ютызь продолжительнос-тень ды дальностень цела серия меж-дународной рекордтнэнь.

Ливтямонь шкастонть Невернов ды Гайгеров ялгатне ютавтест пекважной научной наблюдениат.

(ТАСС).

Тунда видема шкастонть МТС-нь работниктненъ ды колхозниктненъ обслуживаниясь

Центрань МТС-нь ды земельной ор-ганонь рабочейтненъ ды служащейт-ненъ профсоюзонь Оргбюрось ды сонзэ низовой органтне активностэ анок-стыть паксясо трактористнэнь, комбай-нертнэнь, механиктнэнь, агрономтненъ обслуживаниянтненъ.

Профсоюзной организациятне создают 5 тыща полевой библиотечкат, конат-

ненъ туртов явозь малав 100 тыща книга. МТС-нь рабочейтненъ ды слу-жащейтненъ туртов, конат роботыть видемасонть, улить ютавтозъ малав 2 тыщат концерт художественной самодея-тельности коллективтненъ вийтнесэ, 2.500 киносеанст, пек ламо докладт, лекцият, беседат.

(ТАСС).

Профессиональной Союзтнэнь Всесоюзной Центральной Советэнь XI-це пленумонть тердемадо

ВЦСПС-нь Президиумосъ постановил тердеме 1941 иень мартонь 28-це чис-тэ ВЦСПС-нь XI-це Пленумонть чинь истямо повестка марто:

1. 1941 иентень народно-хозяйствен-

ной планонть топавтоманзо коряс проф-союзной организациятненъ работадост.

2. 1941 иентень профессиональной союзтнэнь бюджеттэст.

ФЗО-нь ШКОЛАТНЕС ПРИЗЫВЕНЬ ВАСЕНЦЕ ЧИНТЬ ИТОГОНЗО

СССР-нь СНК-со Трудовой Резерват-ненъ Главной Управлениясь мартонь 21-це чистэ ютавтес Всесоюзной радио-совещания ФЗО-нь од школатнес при-зывень васенце чинть итогонзо коряс.

Весемеза аволь полной даннойтненъ коряс, призывной комиссиятненъ робо-таст васенце чинть перть вирень про-мышленностень, стройматериалонь про-мышленностень ды чугунокань кинь строямонь ФЗО-нь школатнес призван-нойть 12 тыща ломань.

(ТАСС).

САРАНСКОЙСЭ ПАНЖОВИ КАРТИННОЙ ГАЛЛЕРЕЯ

ВКП(б)-нь обкомонть ды МАССР-нь Совнаркомонть решенияст коряс Са-ранск ошсо панжови картинной гал-лерей. Сонзэ эйсэ кармить улеме пур-назь минек масторонь художниктненъ ды скульптортнэнь сехте вадря робо-таст.

Саранск ошонь краеведческой музе-есъ галлерейанть максы 57 картина ды скульптура. Сынст ютксо Левита-нонь ды Свечниковонь картинат ды Эрзя скульпторонть ды ламо линияь роботат.

Мейле кармить улеме пурназь высо-кохудожественной картинат республи-кань районтнэва.

Галлерейанть фонде истяжо улить со-автэсь Мордовиянь художниктненъ сех вадря роботаст, примеркс, МАССР-нь искусствань заслуженной деятелентъ Ф. В. Сычковонь картиназо.

Галлерейанть тешкстэз панжомс те иень май ковсто, эйкакштненъ художе-ственной школань зданиясонть.

Комсомолецтнэ сайсть шефства колхозонь молодняконть лангсо.

Аволь умок Селищань неполной сред-ней школасо ульнесь ютавтозъ комсо-мольской собрания, косо аравтозъ воп-рос седе, кода ды мейсэ лездеамс кол-хозонтень тунда видемантень анокста-мосонть.

Ламо комсомолецт собраниясонть макссть обязательства саемс шефства колхозонь лишметненъ ды вазтнэнь лангсо. Сынъ омбоце чистэ жо кун-дасть эсь обязательстваст топавтомо. Ламот уш добовасть паро результатт. Истя комсомолецэсь Эрюткин ялгась нурыка шкас кепединзе лишметненъ упитанностест.

А. Пронькин.

Игнатовской р-н.

Колмо отличникть

Марсеева велень средней школасо П. Букин, П. Шейнова ды Шентова пионертнэнь содасызь прок сехте вад-ря, дисциплинированной тонавтнициянь. Отличнасто тонавтнеманть кис сынъ колмоце не получахшныть шнамонь грамотат. Парсте тонавтнемадо башка сынъ активной общественникъ. Букин, Шейнова ды Шентова лездесть эсь ялгасть туртов. Урокто мейле каднов-шныть бераньстэ тонавтнициятненъ мар-то, лездесть тенст урокост анокстамо.

Мейсэ неть отличниктненъ успехест? Сеньсэ, што сынъ свал кудов максозь уроктненъ зярдоак а кадноссызь атак тее, ловныть ламо дополнительной ма-териал. Самай секс уроксо сынъ свал отвечахшныть интереснойстэ, увлека-тельнойстэ.

В. Беляков.

Чамзинской р-н.

Комсомолось велень хозяйстванть кепедеманзо кис бороцямосонть

ВКП(б)-нь XVIII-це съездэс допрон лиякстомтызе комсомольской организационнь роботань стилест. Седе келей ды разносторонней кармасть улеме комсомольской роботанть содержаниязо. Пек седе кассь комсомолонть хозяйственной деятельности. Комсомолось кармасть улеме велень хозяйстванть коряс партианть ды правительстванть решенист тевс активной ютавтыцяс, конат (решенияне) поддэз урожайностень кепедемантень, скотинань поголовьянть ды животноводствань продуктивностень кастомантень. Ламодо седе кассь колхозонь комсомольской организациинь ролест ды ответственностест.

Минек республикань комсомолось кармасть эрва кодамо тевень коряс проявлять покш инициатива. Саранской селекционной станциянь комсомолонть невтеть инициатива покш урожайн кис бороцямосонть. Сынт примерэст коряс республиканьт организавэз 200 седе ламо комсомольско-молодежной звена. Малав весе неть звенатне добовасть паро результат.

Саранской селекционной станциясонть Беленикина комсомолканть звеназо ютась иестанть сайсь эрва гектарсонть истямо урожай: розь 28 центнер, кой-кона участкатнесэ 30 центнер, яровой товзуро 24 центнер, пинеме 25 центнер ды «Московская А—315» сортонть коряс—27 центнер.

Кочуровской районсо «Якстере зоря» колхозсонть Зубарева ялганть коноплеводческой звеназо 1940 иестанть эрва гектарсто сайсь 14 центнер мушко (волокна).

Лямбирской районсо «Хариат» колхозонь комсомолонть ды од лomatне тердизь Мордовиянь весе комсомолонть ды од лomatнень сенень, штобу эсь эмеж-пиретнева путнемс умарият, вишнякт, шукшторовт ды лият. Те инициативанть коряс республиканьт путозь малав 30 тыща умарина ды лият. Ансяк «Хариат» колхозсонть пу-

тозь малав 1.500 умарина ды лият.

Мордовиянь комсомолонть кеместэ бороцить «Общественной животноводстванть кастоманзо коряс мероприятиянеде «СССР-нь СНК-нть ды ВКП(б)-нь ЦК-нть постановленийст топавтоманть кис. Ламо комсомолонть невтеть животноводствань тевс образцовой роботамонь личный пример.

Животноводствань тевс республиканть келес роботыть 500 седе ламо комсомолонь, сынт эйстэ 121 ломань—фермань заведующеекс, 194 ломань—конюхокс, 95 ломань свинарекс ды дояркакс ды 90 ламо ломань скотникекс ды овчарекс.

Комсомольской организационть кеместэ бороцить сень кис, штобу вансомс весе молодняконть, кастомс скотинань поголовьянть ды кепедемс животноводствань продуктивностень. Вана вейке пример. Ладской районсо «3-й съезд Советов» колхозсонть фермасо крупной рогатой скотинадонть уленест ансяк 4 прят. Комсомолонть инициативаст коряс колхозось рамась еще ды ней кармасть улеме 27 прят, колхозсонть ней улит овцеводческой ды птицеводческой ферматкак. Икеле пек ламо тосо кулсильть тувот ды тулевкт, секс што помещениась берянель. Комсомолонть вийсэ тувотнень теезь ней паро помещениа.

ВКП(б)-нь XVIII-це конференциясь аравтсь задача: 1941 иестанть получамс урожай 7 миллиард 900 миллион пондт. Тень коряс пек ламо работа ашти комсомолонть икеле. Эрви бороцямс сень кис, штобу партийной XVIII-це конференциянь решениянзо улелелть топавтозь. Партийной XVIII-це конференциянь решениянть топавтоманть кис бороцязь, эрви добовамс еще седеяк покш успехт кода урожайностень кепедемасонть, истя жо животноводстванть кастомасонть.

Н. Славкин,

ВЛКСМ-нь обкомонь крестьянской од лomatнень отделань заведующей.

Допризывниктень тонавтыть сёрмас


Покш Марсеева велесэ од лomatнень ютксо, конат тедице кармить призываться Якстере Армиянь радтнэс, улит зарья неграмотнойт.

Комсомольской организационть инициативанзо коряс организоваз негра-

мотной ды малограмотной допризывниктень сёрмас тонавтомас. Те тевенть ветить грамотной комсомолонть ды средней школань преподавательне.

П. Букин.

Чамзинской р-н.



Саранск ошонь 1-це № средней школань допризывниктень марто военной тевень уроко.

СНИМКАСОНТЬ: (Керш ёндо витев) Артюшин, Шугуров, Кохнаев, Гольвин, Бескишкин, Чернов ды Ивенин.

Фотось Б. Козловонь.

ВЛКСМ-нь райкомонь пленумсто

Аволь умок уленесэ ВЛКСМ-нь Б.-Безниковской райкомонь II-це пленумозо. Толковазь вопрос велесэ культурно-политической роботасонть комсомольской организационть участиядо.

Пленумось тешкстызе, што районсонть комсомольской организационть меельс шкастонть кармасть примамо активной участия велесэ культурно-политической роботасонть, лездыть ловнома кудотнень, клубтнень ды якстере уголоктнень.

Тазина велень комсомольской организационь (секретарес Панфилов ялгас) вети колхозниктень ютксо культурно-политической покш робота. Зарья комсомолонть роботыть агитаторокс. Комсомолонть лездемот коряс вадристо аравтозь клубонь роботась (заведующее Храм ялгас). Эрва неделясто тосо кавксть эренть беседат. Январь ды февраль ковтнесте налкесэ 7 постановкат. Клубсонть регулярна лисни стенгазета. Комсомолонть подднть стенгазетат колхозонь бригадатне. Толковить ВКП(б)-нь XVIII-це конференциянь материалтнень.

Культурно-политической покш робота ветить Шугурова велесэ Калинин лемсэ колхозонь, Починка, Николаевка ды Марьяновка велень комсомольской организационть. Сынь лездемот ловнома кудотнень ды библиотекатнень теомс культурной вид. Ютавнть беседат, организовакшнть газетань ловномат.

Теке марто пленумось тешкстызе, што комсомольской зарья организационть аштит велесэ культурно-массовой, политико-воспитательной роботанть эйстэ ве ёно. Примеркс, Паракина велень клубось необорудованной, свал эрси пектазь. Од лomatне ды сеетстэ марто комсомолонть яксить чокшис баня, косо процветает хулиганства. Комсомольской организационь (секретарес Цыганова ялгас) мезеяк эзь тее, штобу наладить клубонть роботанзо.

Пленумось тешкстызе, што ютазь шкаить перть ВЛКСМ-нь райкомсо культурно-массовой роботань коряс комиссиясь (председателес Зоткин ялгас) беряньстэ ветясь эсь роботанзо.

Н. Пивкин.

ЧУМО ЛИ ПРОНЯ КАРАПЕТОВ?

I.

Од иень каршо вечерсэнь, зардо прядовсь художественной частесь, вейке тейтерь сергедсь:

— Дайте налкесме почтynesэ. Те интересна!

Секс муевсь почтальон, муевсь «почтань яжикенъ» таркас шляпа, муевсь керцезь коневнеть.

Шутник почтальононть эзь савкшно кувать вешемс сёрмат. Сынь мольт эрва ёндо.

Вана почтальонось стась залонть куншас. Таргизе васень сёрманть ды яволятьс:

— Ветепентень!

— Монень,—пшкадсь виздесэ ладсо тейтерькась, кона аштесэ сех неявики таркасо диван лангсо. Сон бойкасто чийсь почтальононть ды аволь уверенной кедьс саизе сёрминянь. Конёвнень лангсо сон ловнось: «Мон тонь а содтан, но мелезень туить. Евтык леметь. Монь номерэм 3».

Тейтеренть ёрдокс тейсь седезэ. Верезэ лаказевсь, чамазо толкс кирвайсь. Сон вешнизэ салазань вановтсо колмоце номеранть ды сёрмадсь: «Монь лемем Валя. Фамилиям В...», 5 №».

Ансяк максызе ответанть почтальононть, Валя получаь од сёрма. Лавшо распылчатой почтеркс сёрмадозь запискасонть тейтерес ловны:

«Паряк монь сёрмась ули тонеть ов-

си аволь учтивой, паряк тонейке ёртсак совзэ мусорной ящикс, но мон а кирдеван, штобу а витьктамс тонеть монь аволь равнодушиясонть. Простик монь дерзкой поступканть ды отвечаек тень: да или нет. Проня. 7 №».

Прок тандадсь тейтерес, кода неизе, што Проня ашти сонзэ вакссо ве ломанень ютазь. Икелевгак Валя редизе цёранть грудной зепсанзэ аловой парцей паця уголксонть ды вечной ручканть. Сурсонзо якстере маникюронть а кувать поремадонзо мейле, тейтересь отвечась: «Проня! Знакомойкс улемс монь мелем. Ансяк ёвтык—косо тон роботат, мезекс, ды ули арась семият. 5 №».

Те шкане кенерсь ответась 3-це номеранть пельде: «Валя, мон эрян овси ськамон. А умок кучимизь тей центрасто. Бути арась ильтиянь, тон мерть ильтиямот кудов монень. Подробностнень—мейле. Аркадий».

Ансяк пурнавсь тейтерес сёрмадомо, почтальонось таго сергедсь:

— Ветепентень! Косат, ветеце?

Те сёрмас уленесэ Пронянь пельде: «Валечка, тон монь казимик высшей казнесэ—ёвтык эсеть потмо валот. Мон лован эсь прям сех счастливойкс, мон анок прамо тонь пильгеть алов, прок уре, эсензэ азоронзо икелей. Пачтянь теть, што мон роботан главтрестсэ ответственной исполнительскс. Одинокоян.

Сеетстэ сёрмалян стихтькак. Евтак, Валечка, зардо монь удостоить тон башка вастомасо. Монь появась уш покш благонаправной планом васодстемс эсен эрямонть тонсенть марто. Проня Карапетов.»

Валя натой псилгась ловномань перть. Сон еще весть каизе палыня варштавксонзо васня вейкенть, мейле омбоцень лангс. Аркадий аштесэ стулонзо лангсо ды судрясь сурсонзо эсензэ тусто русой чертнень. Сонзэ виде судось, пецек-пецек кавалкс аштиця раужо броватне, штадо конясь ды румянец марто пувантезь чамань очертанияне вейсэ саезь невтеть од цёрасонть решительность, серьёзность ды кекшезь простойчи. Проня, раужо черь, свал визельдия ашо чам а цёра, пельс велявтонь чачосо вансь пивтордыця сельмсэнь сонзэ ёнов. Проня седеень пектазь учнесь ответ. Турванзо прок бажасть ёвтам: простясам или ветясам казнямо? Мейле сон подлызэ сельмтнень кияксос ды кармасть, сонсь а соды мейсь, штюпамс вечной ручканть.

Тейтерес кундызе Аркадиень карциганось вановтонть, нильс кодамо-бути арсема ды бойкасто кармасть сёрмадомо:

«Аркадий, монь ильтиям арась. Ловая, што тон монень сёрмадть серьёзна. Бути кудов модемс тенек ве киява, то ады вейсэ. Ансяк монь эйс педси мень-бути поэт. А содангак кода эйстанзэ менемс. Валя».

Омбоце запискасонть сёрмадсь: «Проня, неян што тонь седеесэ аволь ответисполнитель, но поэтень. Ре-ман, што недлячистэ марто вастано театрасо. Ней—аламодо прям сэреди. Валя». Те записканть получамо до мейле, Пронянь превензаяк чаракадеть. Сон бойкасто таргизе бумажикензэ, ноцковтызе тосто эсензэ визитной карточканть, сёрмадсь мезе-бути ды апак визде тонгизе Валян элес.

Шкась пелеве, но клубонь залось уйкшны шалтонть потсо. Окойники, почтальонось сизесь, сон коняизо нардамонзо мейле, кирныця вайгельсэ яволятьс:

— Саты, ялгат. Явшесынь остатка сёрматнень.

Но сёрматне яла мольты и мольты. Ды вана мезе ловнось Аркадий сонензэ меельс сёрмасонть:

«Арк... мелем кудов. Мон лисяннейке, аламо шкань ютазь лиссть мельган тонгак. Вал...».

Раздевалкасо Аркадиень учнесь Валя уш орчазь. Кода эзь вешне цёрась сельмсэнь эсензэ тейтеренть, так и эсе мие. «Эзь тие ли?»—арсесь сон эськанзо. Но тейтерес сонсь невтисе пранзо.

— Шумбрат!—венстизе кедензэ.

— А, да, шумбрат-шумбрат. Вастынек таки!—кенярдозь пшкадсь Аркадий. —Кона ёнов модемс?

— А содан ков теть эрви!—кокетливойстэ пейдесевсь Валя.

Комсомолецтнэнь ды од ломатнэнь военно-физкультурной воспитанись

ВЛКСМ-нь Мордовской Обкомонь II-це пленумось, кона ульнесь те пень февралень 10—11-це читнестэ, примась решения комсомолецтнэнь ды од ломатнэнь военно-физкультурной воспитанись коряс комсомольской организационной роботадост.

Пленумось тепкстызе, што эрва комсомолецтнэнь ды комсомолкас должн регулярна заниматься военной ды физкультурной подготовканы коряс. Эрва од ломанесь ды, васняк, комсомолецтнэнь обязан анокстамс эсь приэнэ социалистической родинанть ванстомо.

Комсомолецтнэнь ды од ломатнэнь военно-физкультурной воспитанись коряс роботасонть ВЛКСМ-нь райкомтне, горкомтне, первичной организационной ды военно-физкультурной комитетнэ должн тевс поддамс Якстере Армиянь XXIII-це годовщианть лемсэ лыжной комсомольской кроссонь опытнэ. Кроссось парсте невтизе эсь родинанть минек од ломатнэнь преданностнэ, невтизе, кода комсомолецтнэ ды од ломатнэнь вечксыз ды бажить тонавтнемс военной теветнэ. Кроссонь результатнэнь эрви закрепить.

ВЛКСМ-нь обкомонь II-це пленумонть мейле ютась малав омбоце пельков. Те шканть перть зярря комсомольской организационной кеместэ кундасть пленумонть решениянзо топавтомо. Примеркс можна саемс Zubovo-Polyanskoy районнь Тельман лемсэ колхозонь комсомольской организационной (секретаресь Кичапин ялгась). Пленумонть решениянзо мейле комсомольской организационной тейсь физкультурной коллектив. Сонзэ эйс совасть 18 ломань. Регулярно эрсить занятият. Колхозсонть организоваз стрелковой 2 группат, эрвась ютавтсь уш 14 занятия. Вейке группасонть анокстыть Ворошиловской стрелокт (I-це ступенень коряс), омбоцесонть тонавтнить допризывниктне «оборонной минимумонь» программанть коряс.

Но проверкась, кона ютавтозель Атюрьевской, Темниковской ды Zubovo-Polyanskoy районнь комсомольской зярря организационной, невтизе, што сынст эйстэ сех ламотне лавшосто роботыть ВЛКСМ-нь обкомонь II-це пленумонть решениянзо топавтоманть коряс.

Zubovo-Polyanskoy районнь комсо-

мольской организационной аволь берянь результат невтсь лыжной кроссонть ютавтомо. Но райкомось ды зярря первичной организационной стувтызь комсомолецтнэнь ды од ломатнэнь военно-физкультурной тонавтоманть организавомозо. Те шкас районсонть анык пелест комсомолецтнэ аштить Осоавиахимень организационной членэкс. Обкомонь пленумонть мейле районсонть организоваз анык 6 стрелковой группат ды санитарной 5 дружинат. Комсомольской кой-кона организационной натой эзиз толковал обкомонь пленумонть решениянзо военно-физкультурной воспитанисьдонть. Истя, примеркс, «Красный восток» колхозонь комсомольской организационной секретаресь Лескин ялгась получизе обкомонь пленумонть решениянзо ды путыз комсомольской теветнэнь юткс, сонькак натой эзсе ловно, мезде тосо моли кортамось.

«Дубитель» заводонь комсомольской организационной (секретаресь Саухин ялгась) ды «Большевик» колхозонь комсомольской организационной (секретаресь Чапаев ялгась) формальна толковизь обкомонь пленумонть решениянзо собраниясо ды текень лангс оймасть, мезеяк атак тее сень коряс, штобу организовам ды парсте аравтомс комсомолецтнэнь ды од ломатнэнь военно-физкультурной воспитанись.

Курок ушодовить комсомолецтнэнь гимнастической соревнованись, но неть соревнованись анокстамось ламонь таркава моли еще лавшосто.

Районной ды первичной кемсомольской организационной эрви бороцам гимнастической соревнованись вассень тарканть кис. Добовам сень, штобу соревнованись улевель ютавтось организованной, примаст сынст эйс участия седе ламо комсомолецтнэ ды од ломатнэ. Теэмс истя, штобу гимнастической соревнованись ютавтомась лездаволь комсомолецтнэнь ды од ломатнэнь юткс весе военно-физкультурной роботанть седе парсте аравтоманть.

А. Драняев,

ВЛКСМ-нь обкомсо военно-физкультурной отделань заведующей.

АНОКСТАТАНО ГИМНАСТИЧЕСКОЙ СОРЕВНОВАНИЯТНЕНЕНЬ

Кучсть указаният...

Гимнастической соревнованись анокстамось ушодовомо чинть самс шкас кадось уш аволь пек ламо. Арлатовской районсо жо неть соревнованись анокстамонть таркас анык яла «раскачиваются».

Эрва ушнемс, што ВЛКСМ-нь райкомось ловсынзе сеть асатыкстнэнь, конатне ульнесь поддась комсомольской лыжной кроссонть анокстамо ды сонзэ ютавтомо ды ней седе парсте организоваз гимнастической соревнованись анокстамонть.

Но тень эзсе тее райкомось (секретаресь Пригорин ялгась). ВЛКСМ-нь райкомось те шкас кода эрви не возглавил соревнованись анокстамонть. ВЛКСМ-нь райкомсо военно-физкультурной комиссись (председателесь Пронин ялгась) эсь заседаниясо тешкас эзсе толкова гимнастической соревнованись анокстамо вопросонть.

А мезе тейсь ВЛКСМ-нь райкомось? Мезеяк. Пронин ялгась мерсь:

— Кучинек конёвт первичной комсомольской весе организационной секре-

тартиненень, сёрмадынек тест, кода эрви ушодомс анокстамонть.

— А мезе тейсь неть «конёвтнэнь» коряс сынз?

— Пока мезеяк еще эзть тее. Раскачиваются.

Райкомонть истямо спокойствианзо лангс ванозь, первичной комсомольской организационной алкукскак анык еще «раскачиваются». Соревнованись анокстамось моли анык Арлатовской неполной средней школосонть ды педагогической училищасонть.

Соревнованись анокстамонть ламодо кирди се, што арась гимнастической залт, оборудованной помещеният ды спортивной инвентарь (брусьят, турникт ды лият). Натой Арлатова ошонть арась парсте оборудованной гимнастической зал. Ютась пень октябрь ковсто трудянь депутатнэнь районной Советась эсь решениянзо карматыз горсоветанть муемс помещения гимнастической залокс ды оборудовать сонзэ. Но те решениясь кадось атак топавто.

Ив. Антонов.

Еще яла „раскачиваются“

Тынь кевкстнэядо гимнастической соревнованись анокстамо? Мезеяк зярс а лиснэ, но арсетань те теветнэ кодак продвинуть, — истя отвечась Саранской фельдшерско-акушерской школань комсомольской комитетань секретаресь Русаев ялгась.

Вана уш ютасть зярря чинть, кода весе ошонь предприятиятнева ды школанева комсомолецтнэ ды од ломатнэ явшезь группав, аравтозь командирт, успешно ютавтыть тренировочной занятиятнэнь.

А фельдшерско-акушерской школань комитетась еще анык арси «продвигать» теветнэ. Тесэ мик комсомолецтнэ а содыть гимнастической соревнованись положениадонть ды тренировочной занятиятнэ программандонть.

Спортивной инвентаресь ды физкультурань залось истя жо те шкас атак анокста.

И. Николаев.



Саранской 1-це № школань тонавтницась-отличницась Галия Шутова теж гимнастической упражненият перекалдина лангс. / Фотось Б. Козловонь.

II.

Лиссть клубстонть сынз мельсек-мельсек. Аркадий уш икеле аноктасть приэнэ—мезе карми кортамо содавикснэ марто. А главной сон кавтолдсь истямо вопрос лангс: ёвтась или аёвтась эсензэ семейной положенианзо. Кодак тундонь кельме кошлось вастынзе ушосо, Аркадиень весе мельтне ливтнэсть удемстанзэ. Кашт модемс жо а ён. Секс сон коротазевсь атак арсе:

— Значит, вастынек. Интересной жо вечерась ульнесь!

— Да, те вечерась сави куватьс повнямс,—лездась тензэ Валя.—Монь эсень пешкесть сёрмадо.

— Ды ней месь марто тейнят?

— Месь? Пултасынь.

Таго валт арась. Аркадий таго вий

пути ушодомо кортнема. Пачкодсть Валянь удонзо видсь.

— Тон ськамонт эрят?—друк калавтызе каштмолеманть Аркадий. Валя варштась чоподава Аркадиень анейвис сельмезанзэ, лукавойста конизе вейке сельмензэ ды пшкадсь:

— Ськамонт. Меке?

— Вадра бу кортнемс марто серьезной теде. Паряк сован теть?

— Монь тосо весе атак уряд. Аволь мазы.

— Ну, мезеяк арась. Ведь монган истямо жо холостяк.

— Нать еще неть эз са урвакстомс?—пути Валя.

— Алкукскак, Валя. Куп монень

комськаксово, но те шкас учинь се иенть, зардо можна урвакстомс,—серьёзнасто, атак капша корты Аркадий.

— Паряк уш сядоксть урвакстнэнь. — Кроме шуток, Валечка. Тевтне кирьга видьга. Монь специальностень ломать а ламо. Вот и кайсезан: то тей командируют, то тов. А ней решил пурнамс-сарнамс хозяйства...

Валя арсезевсь. Сон варштась пельтнэнь ютксто лисиця кованть лангс. Ловтаня валдось предтась сизезь мельтнэнь. Сон кундась калиткань кенкш кундамонть ды, цёранть эйстэ велавтозь, састо мерсь:

— Совак аламось. Анык седе састо...

69

III.

Тусь ды ёмась. Стяко учнесь Валя Аркадиень пельде сёрма эрва чи, эрва недля. Вана уш кавто ковт ютасть, а центрасто кодамоак сёрма лангс а сы. А кода алтнэсь, кода кемевтсь, што пачкодемадо мейле сон сеск кучи сёрма! Алтнэсь сеньгак, што ковань ютазь сон должен самс мекей, ды самс истямо условия марто, штобу туемс тестэ кавонест, Валянь саемс центрав, косо театрат, паркт, кинот, таксит... Ды весе ней кепететь прок валскенъ сув, ютась прок он, кадось сондензэ мейле анык кроватень сормсезезь простыня, ды столь лангс пудренничанть вакссо се чаво одиколононь кедьгесь, конаньста Аркадий шлякшнэсь кедензэ. Одиколононь сон кандтнэсь мартоно

«туалетань кис», кода кортыль сестэ Валяненъ.

Ней вана ашти озадо Валя вальма икеле ды ваны ушосо калиткань лангс, косо а пек умок сон, Валя, арсесь—да или неть—вопросонть, конань макснэ простодушной Проня еще вечерсэнь. Чудак жо ломанесь Проня. Панжонь седей. Аркадий ведь овси а истямо. Тень эрва валось кекшезь. Ды нейсак кодамо туво эйстэнзэ лиссь: жаль тензэ конёв панксесъ.

Друк калиткась панжовсь ды кошель ладсо кеверсь вишка почталынось эсензэ сумканзо марто. Прокэлектричества ютась Валянь эзга. Сон бойкасто чийсь ушов ды мурдась кедьсэнзэ сёрма марто.

— Сон, сон!—сейресь чаво кудосонть тейтересь, сонсь атак лоткс палсесь сёрманть. Но кодак тейкизе конверт потсто таргазь конёвонть, Валя сескабунгадсь. Блокнотонь конёвось сёрмадозель, сонзэ дивамос, анык ве пельде ды теяк овси небрежна.

«Волкова Валентина ялгай!—ловны Валя,—мон чуман, што те шкас эзинь муе шка сёрмадомс теть. Ну лучше позда, чем овси а сёрмадомс. Тевес сеньсэ, што мон кадовинь тонь икеле аволь честнойкс. Ды тонгак а видестэ теить, што кемить тень васенцеде вастомсто. Монь ули козейкам, ули кавто эйкакшон, ды сынст мон вечксынъ. Роботангак аволь инженеркс, но мешкотарань инспекторкс. Се чокшнэнь жо ульнин иредьста. Вот и весе. Адресам а сёрмадса секс, што содамс

теть аволь интересна. Аркад...»

Валя чувтомсь. Сон атак повня мерькизе сёрманть кавто ладоньсэнзэ ды азаргадозь вансь столь лангс одиколоно алдо кедьгень лангс. Эскелдась. Саизе сорнозь кедьсэ те кедьгень ды мезе вий трескадизе сонзэ уголе.

Аламо шкань ютазь друк мезе-бути ледсь мелезанзэ. Сон лоткась авардемадо, чамазо, прок пиземеде мейле ция, валдомгадсь, свежалгадсь.

— К чорту!—серьгедсь сон.—Мон превтеман. Или ёман эйкакшом марто? Кадьк чачтан. Тряса. Васня яслив... Мейле детства.

Валя кридьявсь таркастонзо ды виев кедьсэнзэ одов кармась тееме порадок.

— К чорту!—яла кортасть эсензэ марто Валя.—Те пошлякось паряк ась козейкантькак пеле векезэ саизе. Паряк эйкакштнеяк паро а неить цельдензэ. Инже-н-е-ер...

Тейтересь курок шлизе чаманзо, пудрясь, прибавась турванзо лангс якстере помада, орчась ды сырғась ялганстанъ.

Ки лангс таго появась мелезанзэ Проня Карапетовонь хрупкой ды выхоленной фигурась. «Косо ней сон, те вдохновенной поэтэсь?!»—арсесь эсь пачканзо Валя. Лептявсь мельс сонзэ оригинальной сёрматнеяк, конат паряк те шкас ванстовсь кровать ало чемодамонть потмаккось. Вот неемс бу сонзэ! Истя арсезь, Валя совась ялганстанъ. (Пезз 4-це страницасо).

ЮНКОРТНЭ СЕРМАДЫТЬ

Кастатано вадря вашот

Покш Маресева велень средней школань пионернэ — 7-це «А» классонь тонавтниятне решиз лездам «12 лет октября» колхозонтень вашотнень кастомасонт.

Сынь сайсть колхозонь вашотнень лангсо шефства, эрва чистэ якит ванномост, ветит мельгаст эрвикс уход. Шефстванть сех вадрясто ветит В. Беляков, П. Букин, И. Сергеев пионернэ. Сынь бажить тест кемекстаз вашотнень кастаме шумбракс, виевкс ды вадрякс.

Л. Каменцев.

Чамзинской р-н.

Алютовонь „роботадонзо“

Сядодо ламо тонавтниця совасть Осоавиахимень первичной организации членэкс. Сынь совасть сень кис, штобу тонавтнемс военной теветь, кармакс содамо винтовканы, противогазонть, тонадомс леднеме.

Но лиссь истя, што Покш Маресева велень средней школасо Осоавиахимень организациясонть арась кодомояк робота. ОСО-нь советнэ председателесь И. Алютов ялгась не оправдал сонензэ оказанной довериянть. Моли 7-це ков, кода сон кочказель ОСО-нь советнэ председателекс. Весе те шканть перть сон эз ютавтне Осоавиахимень членнэ марто вейкеяк собрания.

Школьной комсомольской организациясь кемизе те теветь Алютов ялганть ды а веши пельдензэ робота. А ведь Осоавиахимень организациясь должен бу улемс весе военно-физкультурной роботанть седеекс.

П. Букин.

Чамзинской р-н.

Военно-физкультурной урок

Шугуровань средней школасо весе класктнэ эрва недлясто эрси вейке час военно-физкультурной урок.

Те уроконтэ эйкакштне тонавтнить гранатань ёртнеме, тейнить физкультурной упражнении ды налксемат.

Военно-физкультурной уроктне ютнить интереснойста.

Ф. Пивкин.

Б.-Березниковской р-н.

ЧУМО ЛИ ПРОНЯ КАРАПЕТОВ?

(Пезэ)

IV.

Сёксень вейке чистэ, зардо Проня Карапетов вансь вальмава палисадниксэ акациян лопинетнень немилыв ладсо непердевемакт лангс ды арсесь стихень туртов «Октябрь ков» теманть, вальмава алак учне тонгстэ тензэ повестка суде. Ответственной исполнительсэ чарькодизе повесткасонть ансяк эсензэ фамилиянть, суде молема даянть ды еще вейке кодамо-бути фамилия: Волкова. Штампсо сёрмадовкстнэ жо эзть ловново.

Вемберть эз удю Проня. Арсесь ки истямо Волковась ды мезень коряс суди. А валскестанть вейксэе часонтень сон уш ульнесь судсо. Ансяк тесэ чарькодизе—ки Волковась. Те самайсе Валечкась, конань марто сон вастцесь од иень каршо вечерсэнь, ковань сон вечксь ды конань марто арсесь полавтомс эсензэ эрямо ладонть. Да, те сон. Но мейсь истя сон амазылгась? Сельме латконзо сэнть, конясонзо зарья сормавкст.

Кодак Валя неинзе Пронянь ловтания чаманзо, сон велавтсь эйстанзэ копоре ёндо ды якстергась.

Исковой заявлениясонть Проня маризе, што Карапетов Прокофий Абрамыч гражданинэсь, кона роботы главтрестсэ ответственной исполнительсэ, вись-

стэме манизе сонзэ, Волкова Валентинань, алтнесь саеманзо мирденень, эрва недля сёрмалиль теде сёрмат, што сон, Волкова, кемизе—согласясь мартонзо эрямо, што кода чачсь эйкакш, сон, лиякс меремс Карапетов, отказался улемс эйкакшонь тетякс.

— Чарькодить?—кевкстизе судьясь Пронянь.

— Чарькодинь!—Валян лангс вазнозь аволь сеск отвчась подсудимоемь.

— Чумокс прят ловат?

— Чумокс?—Ансяк ней хватясь пароласо Проня.—Кода чумокс? Или мон киньгак грабинь, или растрата теинь, или мон плагиат? Мон...

— Кортак теветь коряс,—тейсь замечания тензэ судьясь.—Тонь кевкстнить, ловат ли эсь прят чумокс тетяксиде отказомонь кис.

— Тетякс?... Кода тетякс? Или мон мезеяк...

— Иля тейне превстэ лисезь ломанькс... Лучи ёвтык, гражданин Карапетов, содасак тон те аванть?—невтсь судьясь Валян лангс.

— Содаса. Мон вастния од иень каршо вечерсэ.

Судьясь варштась вакссонзо заседателенть лангс. Се сельмень конямосо невтизе, што чарькоди мейсэ теветсь.

— Вечердэньт мейле кудов ильтник сонзэ?

— Эзия.

— Истя. Сёрмат тензэ сёрмалить вейсэ эрямонь коряс?



Английской войскактне фронтсо Западной пустынясо.

(ТАСС-нь фотохроника).

Европасо ды Африкасо войнась

(Мартонь 20-це ды 21-це читнестэ военной действиянень дневник)

Мартонь 20-це чинь каршо вестанть германской авиациянть основной вачкодксьэзэ ульнесь нолдаз Лондоноть каршо. Английской столицанть лангс нападениясонть примасть участия зарья сядот самолет. Бомбардировкась мольсь 6 часонь перть, ды кода невтни Рейтер агентствась, ульнесь сехте виевкс войнанть ушодомостонзо саезь. Ошонть зарья районтнэсэ калавтоз пек ламо зданиянт. Мартонь 21-це чинь каршо вестанть германской воздушной атаканть главной объектэкс ульнесь Плимутось—покш порт ды чугунокань кинь узел Англинть юго-западной побережьясонть.

Английской авиациясь тейсь мартонь 20-це чинь каршо вестанть налёт Германиянть промышленной районтнэнь лангс. Пек виевксэ бомбардировазь Кельн ошось. Мартонь 21-це чинь каршо вестанть английской самолетнэ атаконь Лориансо (Франция) германской подводной лодкань базанть.

* * *

Албанской фронтонь центральной сек-

торсонть гректне отбили итальянецтнэнь атакаст, конат снартнестэ сеземс греческой укреплениань линиянть. «Време» югославской газетань корреспондентанть сообщенианзо коряс, итальянецтнэ ютавтять эсест вийтнень перегруппировка ды концентрация.

Кода пачти Ассошиэтед Пресс агентствась, Салониксэ (Греция) валстозь пек ламо английской войскакт.

* * *

Английской войскактне, конат оперировать Северной Африкасо, сайз Джарабуб укреплённой оазисэнь. Итальянской самолётнэ бомбардировизь Бенгази морской базатнень.

Восточной Африкасо сехте виев военной действиянть мольсь Эритреясо. Виев бомбардировкадонть мейле, кона мольсь зарья чинь перть, английской войскактне ушодеть наступления Керенанть лангс. Де Голль генералонть войскактне ваньксавтязь те ошонть кинь север ёндо. Итальянецтнэнь виев сопротивления лангс атак вано, англичантнэ сайсть колмо важной высотат ошонть подступнестэ. (ТАСС).

Торговой суднатнень конвоированонь американской плантнэ

Американской печатанть сведениянзо коряс, США-нь президентсь Рузвельт макс распоряжения военно-морской флотонтень конвоировамс суднатнень, конат ускить военной материалт Англин.

Рузвельт уш ней ванкшны конвоированонь подробной плантнэнь. Улит кавто истят плант: васенце планонт коряс американской военной кораблятне кармит конвоировамо суднатнень Атлантической океансонть США-нть эйстэ Англинть видсь кинь кавто колмоцкс пельксэнзэ таркас. Западной полушариянть пределтнэсэ американской кораблятнень действияс ограничениас максь возможность а нолдамс США-со кой-кона внутривагитической затруднениянть. Омбоце планось тешкстни непосредственно северной английской портнэнь витсь конвоированонть. (ТАСС).

Корфу ошонтэ разрушениянть

«Журнал де Женев» швейцарской газетань корреспондентсь февральковонь пелевидьстэнь якась Корфу греческой ошонть (кона ашти теке элемент марто островонть лангс). Корреспондентанть валонзо коряс, бомбардировканть результатсо ошонь сех ламо ульнянть теветь развалинань грудакс. Малав 30 тыща ломань кадовсь эрямо таркавтомо. 20 процент кудотне калавтоз допрок ды 60 процент—частична. Ветестэ ансяк вейке кудотнэ можна ловомс эрямонть туртов маштовиксэкс. Сех ламо населениас ошонтэ тусь маласо велетнест. (ТАСС).

Голландской Индиясо военной мероприятиянть

Рейтер агентствась пачти, што Голландской Индиян сехте покш верьфсэнь Сурабайсэ (Ява остров) суткань перть моли вышка военной кораблянь строямо. Неть кораблятнень скоростест карми улеме 64 километра часонть ды кармит улеме вооружениясост торпедат ды пулеметт.

Голландской Индиясо аноктавить пек ламо лётчикт Европосо военной службань топавтоманть туртов. Зарья, голландской лётчикт ютыть подготовка Англиясо.

Нурька сообщениянть

— Мартонь 18-це чистэ кармасть бастовамо Барроу ошсо (Англия) покш машиностроительной заводонь зарья сядот тонавтниятне. Бастовицятне вешигьт кламсе зарплатанть.

— Румынской газетатне пачтит, што мартонь 18-це чистэ министранень советань заседаниясонть примазь решения должностнестэ учительнень каюмонть, конат судязь январень 21—23-це читнестэ легионерской мятежэнь участианть кис. Мятежэнь участианть кис лишеноить санстост 218 священник. (ТАСС).

Германиясо карсема-пелень микшнемань од порядокось

Германской газетатнэсэ печатазь сообщения населенианть карсема-пелень микшнемань од порядоконт. Карсема-пелесь кона аноктави кедень эрва кодат заменительнестэ, ды истя жо чувтонь подошова марто карсема-пелесь икелепелес карми явшева ордерань коряс. Ордертэме кармит микшневеме ансяк чувтонь сандалетат, конат теезь целанек чувтосто, олгонь туфлят ды кудоктонь туфлят, конат аноктазь утильстэ. (ТАСС).

Петр Кономанин.

Ответ. редакторсь А. ШЕГЛОВ.